



Universitätsbibliothek Paderborn

**Svmma Totivs Theologiæ S. Thomæ Aqvinatis, Doctoris
Angelici Ordinis Prædicatorum**

Tertiæ Partis Volumen Secundum

Thomas <von Aquin, Heiliger>

Romae, 1619

Vtru[m] omnes teneantur ad suscipiendum baptismu[m]?

urn:nbn:de:hbz:466:1-38725

¶ Vndeциmo , vtrum aliqui sint baptizandi in maternis vteris existentes?

¶ Duodecimo , vtrum furiosi & amentes sint baptizandi?

ARTIC. I.

384

inf. q. 70.

a. 2. ad 3

¶ 4. Et 4

d. 4. q. 3.

a. 3. q. 2.

e. et ad 3

et d. 6. q.

I. a. 1. q. 1

e. et 4. tō-

tra c. 71.

Vtrum omnes teneantur ad susceptionem baptismi?

A D primum sic proceditur. Videtur, quod non tenentur omnes ad susceptionem baptismi. Per Christum enim non est hominibus arcta via salutis.

Sed ante Christi aduentum poterant homines saluari sine baptismo. Ergo & post Christi aduentum.

¶ 2 Præterea, Baptismus maxime videtur esse institutus in remedium peccati originalis. Sed ille, qui est baptizatus, cum non habeat originale peccatum, non videtur quod possit illud transfundere in prole. Ergo filii baptizatorum non videntur esse baptizati.

¶ 3 Præterea, Baptismus datur ad hoc, quod aliquis per gratiam a peccato mundetur. Sed hoc consequuntur illi, qui sunt sanctificati in utero, sine baptismo. Ergo non tenentur ad suscipiendum baptismum.

SED contra est, quod dicitur Io. 3. Nisi quis renatus fuerit ex aqua & Spiritu sancto, non potest introire in regnum Dei. Et in lib. de eccl. * dogmatibus dicitur, Baptizatis tantum iter salutis esse credimus.

R E S P O N D E O dicendum, quod ad illud homines tenentur, sine quo salutem consequi non possunt. Manifestum est autem, quod nullus potest salutem consequi, nisi per Christum. Vnde & Apost. dicit Ro. 5. Sicut per unius delictum in omnes homines in condemnationem, sic & per unius iustitiam, in omnes homines in iustificationem vitæ. Ad hoc autem datur baptismus, ut aliquis per ipsum regeneratus, incorporetur Christo, factus membrum ipsius. Vnde dicitur Gal. 3. Quicumque in Christo baptizati estis, Christum induitis. Unde manifestum est, quod omnes ad baptismum tenentur, & sine eo non potest esse salus hominibus.

Ad primum ergo dicendum, quod nunquam homines potuerunt saluari, etiam ante Christi aduentum, nisi

nisi fieren membra Christi: quia ut dicitur Actuū 4. non est aliud nomen datum hominibus, in quo oporteat nos saluos fieri. Sed ante aduentum Christi, homines Christo incorporabantur per fidem futuri aduentus: cuius fidei signaculum erat circumcisio; ut Apost. dicit Rom. 4. Ante vero quam circumcisio institueretur, sola fide (ut Greg. * dicit) cum sacrificiorum oblatione, quibus suam fidem antiqui patres profitebantur, homines Christo incorporabatur. Post aduentum etiam Christi, homines per fidem Christo incorporantur: secundum illud Ephes. 3. Habitare Christum per fidem in cordibus vestris. Sed alio signo manifestatur fides rei iam præsentis, quam demonstratur, quando erat futura: sicut etia alijs verbis significatur præsens, præteritum, & futurum. Et ideo licet ipsum sacramentum baptismi non semper fuerit necessarium ad salutem: fides tamen, cuius baptismus sacramentum est, semper necessaria fuit.

Ad secundum dicendum, quod (sicut in secunda parte dictum est *) illi qui baptizantur, renouantur per baptismum secundum spiritum, corpus tamen remanet subiectum vetustati peccati: secundum illud Rom. 8. Corpus quidem mortuum est propter peccatum, spiritus vero viuit propter iustificationem. Vnde & Aug. * probat in lib. contra Julianum, quod non baptizatur in homine, quicquid in eo est. Manifestum est autem, quod homo non generat generatione carnali secundum spiritum, sed secundum carnem. Et ideo filii baptizatorum, cum peccato originali nascuntur: vnde indigent baptizari.

Ad tertium dicendum, quod illi qui sunt sanctificati in utero, consequuntur quidem gratiam emendantem a peccato originali: non tamen ex hoc ipso consequuntur characterem, quo Christo configurentur. Et propter hoc si aliqui nunc sanctificarentur in utero, necesse esset eos baptizari: ut per susceptionem characteris, alijs membris Christi conformarentur.

l. 4. mot.
c. 2. circa
med.

p. 2. q. 8 l.
a. 3. ad 2.

l. 6. c. 6. a
me. ad fi.
to. 7.